



Centro Oficial de Información
de la Comisión Europea

Boletín 09/07/2015 - Boletín nº 75

9' UE



Deputación
DA CORUÑA



Quiénes somos:

Un equipo de personas que responderán a tus preguntas sobre la Unión Europea. Formamos parte de una red de más de 500 centros Europe Direct distribuidos por los 28 países de la Unión Europea

Qué hacemos:

Ofrecer información y asesoramiento sobre las instituciones de la UE, programas europeos, becas y vacantes en Europa. Además, búsquedas de socios para proyectos europeos, apoyo a tus eventos sobre la UE...

Dónde estamos

Diputación de A Coruña
c/Alférez Provisional, nº 2
15006-A Coruña
www.dicoruna.es/europadirect

Contáctanos

email: europadirect@dicoruna.es
tel: +34 981 080 331
fax: + 34 981 080 354

Síguenos en:



Suscripción gratuita aquí 

Noticias

- ▶ Os europarlamentarios debateron sobre a situación de Grecia con Alexis Tsipras, quen recibiu críticas pola súa falta de propostas concretas, pero tamén foi alabado e incluso lle instaron a sacar ao seu país da zona euro
- ▶ Transcripción das declaracións de apertura e peche do Presidente Juncker na sesión plenaria do Parlamento Europeo sobre as conclusións do Consello Europeo (25-26 de xunio) e da Cumbre do Euro (7 de xullo) e a situación actual en Grecia
- ▶ O Parlamento Europeo aprobou as súas recomendacións para a negociación do TTIP: o sistema de arbitraje non debe ser discriminatorio e debe contar con xuíces independentes
- ▶ Segundo o informe anual da Oficina Europea de Apoio ao Asilo, en torno a 660.persoas pediron protección internacional da UE en 2014, o que supón un 43% máis en relación ao período anterior
- ▶ O Parlamento Europeo pide maior transparencia fiscal: as grandes empresas e as compañías cotizadas deberán publicar información sobre beneficios, impostos pagados e subvencións públicas recibidas

Convocatorias e procura de socios

Convocatorias

Asuntos marítimos e pesca

- ▶ MARE/2014/46: Acción sobre a ordenación do espazo marítimo no Atlántico Norte de Europa

Xustiza

- ▶ Subvencións de acción - convocatoria restrinxida (Estados-Membros) para apoiar as actividades de MS para promover a integración dos xitanos - JUST/2015/RDIS/AG/NRCP

Mercado Interior, Industria, Emprendemento e Peme

- ▶ 175/G/GRO/IMA/15/1125: Accións de aplicación conxunta do plan de acción plurianual para a vixilancia dos produtos na UE

Outras axudas

- ▶ Resolución do 16 de xuño de 2015, da Secretaría de Estado de Educación, Formación Profesional e Universidades, pola que se convocan axudas para promover a mobilidade de profesores visitantes e de estudantes en programas de máster e de doutoramento desenvolvidos conxuntamente por universidades francesas e españolas para os cursos académicos 2015-2016, 2016-2017 e 2017-2018
- ▶ Resolución do 17 de xuño de 2015, da Secretaría de Estado de Turismo, pola que se convocan axudas para proxectos e actuacións dentro do programa Emprendetur I+D+i no marco do Plan Nacional e Integral do Turismo

- Resolución do 24 de xuño de 2015, da Secretaría de Estado de Investigación, Desenvolvemento e Innovación, pola que se aproba a convocatoria, correspondente ao ano 2015, de axudas para incentivar a incorporación estable de doutores dentro do Subprograma Estatal de Incorporación do Programa Estatal de Promoción do Talento e a súa Empregabilidade, no marco do Plan Estatal de Investigación Científica e Técnica e de Innovación 2013- 2016

Socios

Educación. Alemaña

A Anton–Jaumann–Realschule Wemding é unha escola rural bávara. Actualmente estudan nela 832 alumnos de entre 10 e 16 anos de idade. Un aspecto importante do colexio é a promoción da música. O obxectivo do proxecto é desenvolver habilidades a través do uso de medios innovadores e do fortalecemento da calidade grazas á mobilidade o traballo en equipo transnacional.

Voluntariado. Italia

A organización Basilicata Link é unha organización acreditada de Matera (Italia). Esta cidade foi elixida Capital Europea da Cultura en 2019 e por iso é polo que se necesiten voluntarios para o período do 01/02/2016 ao 01/12/2016. As principais actividades que se han levar a cabo son culturais e de desenvolvemento rural.

Educación e Asuntos Sociais. España

O Servizo de Diversidade é unha institución pública de educación pertencente á Dirección Xeral de Calidade Educativa, Innovación e Diversidade do Departamento de Educación, Cultura e Universidade do Goberno Rexional de Murcia (España). Traballa nos temas de dereitos de menores, igualdade de oportunidades e inclusión social e educativa. Ademais posúe experiencia en proxectos europeos como socio líder.

Busca levar a cabo un proxecto para desenvolver programas, guías e medidas en orde de impulsar unha mellor instrución dos menores escolarizados de entre 6 e 16 anos de idade.

HORIZON 2020. Letonia.

Unha empresa de tecnoloxías da información e a comunicación fundada en 1997 en Letonia, cunha crecente presenza en mercados internacionais, está a buscar socios (medianas e grandes empresas e organizacións académicas ou de investigación) para desenvolver unha identidade biométrica multimodal e un sistema de adquisición de datos universal (BIMS-AQS).

Formación. España.

“atodacosta” é unha rede de intercambio metodolóxico, técnico e de boas prácticas no ámbito da Formación para o Emprego. O obxectivo principal da Rede é elaborar estratexias de intervención no ámbito da Formación e Orientación Profesional para o Emprego, mediante a realización de accións coordinadas e conxuntas para conseguir a mellora da ocupabilidade e empregabilidade dos colectivos con especial risco de exclusión social.

Bolsas

Bolsas

- ▶ 20/07/2015: Bolsas de formación práctica en materia de economía e comercialización pesqueira
- ▶ 06/08/2015: Convocatoria de Axudas para estadías predoutorais INDITEX-UDC 2015
- ▶ 15/09/2015: Bolsas de colaboración de estudantes en departamentos universitarios para o curso académico 2015-2016
- ▶ 30/09/2015: Prácticas no Comité Económico e Social Europeo
- ▶ 16/10/2015: Bolsas 'Oportunidade ao Talento' Fundación ONCE

Vacantes

- ▶ Xerente de proxectos europeos en AEGEE-Europa. Bruxelas. Data límite: 19 de xullo de 2015
- ▶ Chefs/cooks hotels. Suecia. Data límite 20 xullo 2015
- ▶ Información xeral para postos de enfermería (diferentes especialidades). Suíza. Data límite 31 xullo 2015
- ▶ Cardioloxía e Anxioloxía IMC. Suíza. Data límite 31 xullo 2015
- ▶ Medicamento interno. Suíza. Data límite 31 xullo 2015
- ▶ Coidados intensivos. Suíza. Data límite 31 xullo 2015
- ▶ Cirúrxica. Suíza. Data límite 31 xullo 2015
- ▶ Experiencia nun hospital de agudos. Suíza. Data límite 31 xullo 2015
- ▶ COM/2015/10360: Convocatoria para prover unha praza vacante de director xeral (AD15) na DX Xustiza e Consumidores, Bruxelas. Data límite: 31/07/2015
- ▶ 2015/C 223/05. Convocatoria de manifestacións de interese para o posto de membro da Xunta Directiva da Autoridade Europea de Seguridade Alimentaria Prórroga do prazo para a presentación de candidaturas. Data límite: 31/07/2015

- ▶ COM/2015/10361: Convocatoria para prover unha praza vacante de secretario xeral adxunto (AD 15), Bruxelas. Data límite: 31/07/2015
- ▶ COM/2015/20008: Vacante do posto de director (grao AD 14) do Instituto Europeo de Innovación e Tecnoloxía (EIT), Budapest. Data límite: 04/09/2015

Cidadanía

Hoxe charlamos cos alumnos e profesores de 3º de ESO do Colexio Santo Domingo (A Coruña) participantes nun proxecto Erasmus+.



Alumnos de 3º ESO que, coa bolsa Erasmus+, viaxaron a Heathfield (arredores de Birmingham Reino Unido) e conviviron con alumnos de diferentes nacionalidades durante unha semana.

Europe Direct A Coruña: Erasmus+, é o novo programa europeo de educación, formación, mocidade e deporte para o período 2014-2020 da Comisión Europea. O Colexio Santo Domingo decidiu participar co proxecto “Home Sweet Home” (“fogar, doce fogar” en castelán). En que consiste este proxecto e como xurdiu a idea de participar nel?

Colexio Santo Domingo: Este proxecto consiste en estudar as diferenzas que nos unen e sepáranos a través das diferentes construcións tradicionais e modernas dos países participantes. É un proxecto que engloba diferentes disciplinas como a arte, as linguas, a arquitectura e a historia.

Decidimos participar neste proxecto para que os nosos alumnos puidesen coñecer as diferentes realidades doutros países e poder gozar dunha experiencia internacional e multicultural.

ED A Coruña: Neste proxecto europeo participan mozos de distintos países.

Cales son as súas nacionalidades e que beneficios reporta este intercambio multicultural aos alumnos?

Colexio Santo Domingo: Son alumnos procedentes de Inglaterra, Francia, España, Grecia, Turquía e España. Os alumnos beneficianse tanto a nivel persoal, xa que melloran as súas habilidades sociais e é unha experiencia moi enriquecedora, como a nivel de práctica os seus coñecementos doutras linguas (inglés e francés). Os nosos alumnos seguen en contacto coas familias que os acolleron e cos alumnos que coñeceron durante a súa estancia. Tamén realizaron conxuntamente cos demais alumnos actividades para dar a coñecer os seus países de orixe e as cidades onde viven, sempre usando o inglés como lingua vehicular.

ED A Coruña: O pasado mes de abril dez estudantes viaxaron a Inglaterra para coñecer a outros participantes do proxecto. Cales foron os criterios de selección dos participantes e que actividades desenvolveron durante a súa estancia neste país?

Colexio Santo Domingo: Tívoise en conta o seu grao de implicación nas actividades realizadas previamente no noso colexio, que se fan simultaneamente nos centros escolares dos outros países membros do noso grupo Erasmus, a súa motivación, nivel de inglés e expediente académico. Pero o máis importante para nós é a súa motivación e implicación no proxecto.

Moitas grazas pola vosa colaboración.

Europa a fondo

Xa é máis fácil conectar aos mozos coas oportunidades para aumentar a súa empregabilidade

No mercado laboral de hoxe, parece que todo está en contra dos mozos que desexan por un pé no primeiro banzo da escala do emprego. A falta de experiencia e de capacidades relacionadas co traballo, unida á escaseza de oportunidades adecuadas para adquirir esas capacidades, son só un dos obstáculos aos que se enfrontan. Mentres transitan por ese espazo que hai entre o final do ensino secundario ou universitario e o comezo da carreira profesional, os mozos necesitan respaldo para aproveitar ao máximo esta época tan crucial das súas vidas.

Drop'pin é un novo sitio web cuxo fin é axudar aos mozos a atopar oportunidades para aumentar a súa empregabilidade achegándoos ás empresas que poden ofrecerllas. O asesoramento e as orientacións que presta Drop'pin nunha contorna de apoio convérteno no



lugar adecuado para compartir oportunidades dirixidas a mozos de toda Europa e axudalos a gañar mobilidade.

Que pode facer Drop'pin polos mozos?

Drop'pin é un lugar único para que os mozos atopen modos concretos de mellorar a súa empregabilidade e as súas capacidades nun só sitio.

As oportunidades son moitas e variadas. Inclúen períodos de prácticas, programas de aprendizaxe profesional, asesoramento, titorías, formacións lingüísticas e apoio para ir traballar a outro país da UE.

Ao rexistrarse como usuarios no sitio web, os mozos poden cargar os seus CV, presentar a súa candidatura para as oportunidades que lles interesen (e cualificalas), e converterse en membros activos da comunidade de usuarios de Drop'pin compartindo as súas experiencias.

Drop'pin para empresas e organizacións

Drop'pin ofrece ás empresas e organizacións un escaparate no que mostrar o que poden ofrecerlles aos mozos, sabendo que van chegar a un público moi diverso de mozos interesados. E o que é máis importante: Drop'pin alenta a creación de asociacións entre organizacións mediante o establecemento de redes, co fin de establecer programas e oportunidades novos e maiores para os mozos.

A Alianza Europea para a Formación de Aprendices (EAfA) é un socio chave de Drop'pin. Entre os seus membros atópanse algunhas das maiores empresas de Europa, que se comprometeron a ofrecer miles de ofertas de aprendizaxe nos próximos anos, as cales publicarán na plataforma Drop'pin.

Drop'pin para centros e servizos de educación

Do mesmo xeito que as empresas, os centros e servizos de educación poden acceder a Drop'pin para compartir coñecementos e asociarse entre si e con empresas co fin de desenvolver novos programas cos que axudar aos mozos a estar máis preparados para o mundo laboral. Os educadores desempeñan unha función primordial na preparación dos mozos para o mundo do traballo, e Drop'pin recoñece a súa importancia para o éxito deste proxecto.

Drop'pin púxoo en marcha oficialmente Marianne Thyssen, Comisaria Europea de Emprego, Asuntos Sociais, Capacidades e Mobilidade Laboral en xuño de 2015.

Visite o sitio web de Drop'pin e descubra un novo lugar no que compartir as oportunidades para mozos europeos.

Publicacións



European bathing water quality in 2014

Versión en inglés disponible en pdf

Axenda

- ▶ 10-13/11/2015: EGI Community Forum 2015: Building Next Generation e-Infrastructures through Communities. Bari, Italia

Presidency of
the Council of the
European Union



Año Europeo del Desarrollo

nuestro mundo
nuestra dignidad
nuestro futuro



ENCUESTA UE

Tu opinión en 7 clicks

00 800 6 7 8 9 10 11
europedirect.europa.eu

Dónde estamos

Diputación de A Coruña
c/Alférez Provisional, s/n
15006-A Coruña
www.dicoruna.es/europadirect

Contáctanos

email: europedirect@dicoruna.es
tel: +34 981 080 331
fax: + 34 981 080 354

Síguenos en:



Suscripción gratuita aquí 